

19 NOV 2000
LID-MAHATHIR
LID: DR MAHATHIR TIBA UTK HADIRI LID 2000

LANGKAWI, 19 Nov (Bernama) --Perdana Menteri Datuk Seri Dr Mahathir Mohamad tiba di sini, hari ini, untuk menghadiri Dialog Antarabangsa Langkawi Global 2000.

Dr Mahathir ditemani oleh isterinya, Datin Seri Dr Siti Hasmah Mohd Ali.

Ketibaannya disambut oleh Anggota Parlimen Langkawi Datuk Abu Bakar Taib dan Ketua Eksekutif Commonwealth Partnership for Technology Management Ltd (CPTM) Datuk Dr Mihaela Smith serta orang-orang kenamaan yang lain.

Dr Mahathir dijangka menghadiri Sesi Langkawi Fellows CPTM sebelum menghadiri sesi khas "Melaksanakan Kemajuan dan Berkongsi Pengalaman Praktikal" sebagai tuan rumah dan pengendali.

Malam ini, Dr Mahathir, yang juga Penaung dan Penasihat bagi dialog tersebut yang bertemakan Arah Aliran Global dan Ekonomi Baru Muncul, dijangka menyampaikan ucaptamanya di Pusat Pameran Antarabangsa Mahsuri (MIEC) di Padang Matsirat.

Lebih 300 peserta, termasuk ketua-ketua kerajaan, pegawai tertinggi kerajaan, ketua eksekutif dan tokoh-tokoh utama akademik dan media daripada lebih 20 negara akan menyertai dialog selama empat hari itu yang bermula hari ini. -- BERNAMA

NH FR ZK